

Marina Núñez Orjales, Secretaria do Concello de Carballo - A Coruña

CERTIFICO:

Que a Xunta de Goberno Local, en sesión Ordinaria celebrada en data luns 5 de maio de 2025 adoptou, entre outros, o seguinte acordo:

"4.- CONCESIÓN DE SUBVENCIONES NOMINATIVAS

4.2.- Concesión de subvención á Fundación para a Promoción Tecnolóxica e Industrial da Coruña e da súa área de influencia e aprobación do convenio para 2025.

Antecedentes de feito:

No expediente 2025/A004/000014 figura a solicitude da Fundación Promoción Tecnolóxica Industrial A Coruña e da súa Área de influencia, do día 23/04/2025 (RE núm. 202599900002441), de subvención, na anualidade 2025, do Concello de Carballo para abordar de maneira proactiva a promoción e atracción de investimentos cara a área e reforzar o sector industrial como peza chave para o desenvolvemento dunha economía moderna e a xeración de emprego na provincia; coa instancia xúntase a memoria da subvención. Tamén figura o informe da intervención municipal de data 30/04/2025 así como a retención de crédito desa mesma data.

A proposta do concelleiro delegado de dirección e xestión das Áreas de Promoción Económica e Turismo, que asina tamén a Axente de Desenvolvemento Local, ten data do día 30/04/2025.

O Concello de Carballo considera que é de interese xeral para o conxunto da comunidade a realización de actuacións que potencien o desenvolvemento económico e empresarial do seu termo municipal, que apoiem a creación de novas empresas e axuden a consolidar o tecido produtivo xa existente.

A Fundación para a Promoción Tecnolóxica e Industrial da Coruña e da súa Área de Influencia ten como finalidade favorecer o desenvolvemento tecnolóxico e industrial da área da Coruña, a revitalización do atractivo da área para a localización de iniciativas empresariais con potencial innovador e de crecemento, a promoción da proactividade na atracción de investimentos tecnolóxicos e industriais na área e o impulso das potencialidades das persoas físicas, xurídicas e administracións públicas para xerar proxectos conxuntos de natureza tecnolóxica e industrial.

Fundamentos xurídicos:

A Fundación para a Promoción Tecnolóxica e Industrial da Coruña e da súa Área de Influencia é unha fundación de interese público galego, inscrita no Rexistro de Fundacións de Galicia, que se rexe pola Lei do Parlamento de Galicia 12/2006, do 1 de decembro, de fundacións de interese galego e demais lexislación concordante. Foi impulsada e promovida pola Cámara Oficial de Comercio, Industria, Servizos e Navegación da Coruña, ten personalidade xurídica propia e plena capacidade de obrar, podendo realizar todas aquelas actividades que fosen necesarias para o cumprimento dos seus obxectivos, sendo a entidade encargada de xestionar a Oficina de Promoción Tecnolóxico Industrial (OPTI).

Na Base de Execución vixésima novena, apartado dous, do Orzamento Xeral para 2025 do Concello de Carballo detállanse as subvencións nominativas que se outorgarán no exercicio 2025, conforme co establecido no artigo 22.2.a) da Lei xeral de subvencións, incorporando unha subvención nominativa a favor da Fundación para a Promoción Tecnolóxica e Industrial da Coruña e da súa Área de Influencia, por importe de 15.000 euros con cargo á aplicación orzamentaria 4330-48901.

Á vista dos antecedentes e fundamentos xurídicos citados, a Xunta de Goberno Local en uso das competencias que delegou a Alcaldía mediante o Decreto 632/2025, do 26 de febreiro (BOP nº 46 de 10/03/2025), por unanimidade, acorda:

CONCELLO DE CARBALLO

C.I.F.: P1501900C
Praza do Concello S/N
Teléfono 981 70 41 00
www.carballo.gal
infocarballo@carballo.gal
15100 CARBALLO- A Coruña



Exp. 2025/G007/000009

Primeiro.- Aprobar, de acordo coa base vixésima novena, apartado 2 das de Execución do Orzamento da Corporación para 2025, o outorgamento dunha subvención nominativa por importe de 15.000,00 € con cargo á aplicación orzamentaria 4330.48901, á entidade "Fundación para a Promoción Tecnolóxica e Industrial da Coruña e da súa Área de Influencia" (G67972794) para o financiamento da Oficina de Promoción Tecnolóxico Industrial durante a anualidade 2025.

Segundo.- Aprobar o texto do convenio de colaboración entre o Concello de Carballo e a Fundación para a Promoción Tecnolóxica e Industrial da Coruña e da súa Área de Influencia (G67972794), correspondente á subvención nominativa outorgada para financiar a Oficina de Promoción Tecnolóxico Industrial, cuxo clausulado transcríbese a continuación, e proceder á súa formalización.

"Convenio de colaboración entre o Concello de Carballo e a Fundación para a Promoción Tecnolóxica e Industrial da Coruña e da súa Área de Influencia correspondente á subvención nominativa outorgada para o financiamento da Oficina de Promoción Tecnolóxico Industrial durante 2025"

REUNIDOS:

Don Evencio Ferrero Rodríguez, Alcalde Presidente do Excmo. Concello de Carballo, actuando en uso das facultades que ten atribuídas en virtude do artigo 21.1 b da Lei 7/85, do 2 de abril, reguladora das Bases de Réxime Local, en representación do Concello de Carballo.

E doutra parte, Don Antonio Couceiro Méndez, Presidente da Fundación para a Promoción Tecnolóxica e Industrial da Coruña e da súa Área de Influencia, con CIF G67972794, en nome e representación desta, cargo que ostenta en virtude do acordo adoptado na reunión do Padroado da Fundación do 8 de abril de 2024 e que o habilita segundo o disposto no artigo 16.2 da Lei 12/2006, do 1 de decembro, de Fundacións de Interese Galego e no artigo 18 dos Estatutos da Fundación.

En virtude das competencias que lles corresponden, recoñécense reciprocamente capacidade e lexitimación suficientes para formalizar o presente Convenio e MANIFESTAN

Que a Fundación para a Promoción Tecnolóxica e Industrial da Coruña e da súa Área de Influencia é unha fundación de interese público galego, inscrita no Rexistro de Fundacións de Galicia, que se rexe pola Lei do Parlamento de Galicia 12/2006, do 1 de decembro, de fundacións de interese galego e demais lexislación concordante. Foi impulsada e promovida pola Cámara Oficial de Comercio, Industria, Servizos e Navegación da Coruña, ten personalidade xurídica propia e plena capacidade de obrar, podendo realizar todas aquelas actividades que fosen necesarias para o cumprimento dos seus obxectivos, sendo a entidade encargada de xestionar a Oficina de Promoción Tecnolóxico Industrial (OPTI).

Que o Concello de Carballo está directamente interesado na realización de actuacións que potencien o desenvolvemento económico e empresarial do seu termo municipal, que apoiem a creación de novas empresas e axuden a consolidar o tecido produtivo xa existente.

Que a Fundación para a Promoción Tecnolóxica e Industrial da Coruña e da súa Área de Influencia e o Concello de Carballo teñen interese en desenvolver a colaboración entre ambas entidades mediante o establecemento do presente Convenio, en materia de promoción económica, que permita o desenvolvemento de unha economía moderna e a xeración de emprego na área da Coruña e moi especialmente no Concello de Carballo e o seu Polígono Industrial, en plena expansión pola súa localización e proximidade ao Porto Exterior.

En función das consideracións expostas, o Concello de Carballo e a Fundación para a Promoción Tecnolóxica e Industrial da Coruña e da súa Área de Influencia, coa finalidade de determinar as condicións da súa colaboración, acordan formalizar o presente convenio, de acordo coas seguintes CLÁUSULAS

I.- Obxecto

O presente convenio ten por obxecto establecer as bases de colaboración entre o Concello de Carballo e a Fundación para a Promoción Tecnolóxica e Industrial da Coruña e da súa Área de Influencia para a creación e posta en marcha de unha Oficina de Promoción Tecnolóxico Industrial (OPTI), cuxo obxectivo consiste en abordar de maneira proactiva a promoción e atracción de investimentos cara a área e reforzar o sector industrial como peza clave para o desenvolvemento de unha economía moderna e a xeración de emprego na provincia.

II.- Actividades a realizar pola entidade beneficiaria

CONCELLO DE CARBALLO

C.I.F.: P1501900C

Praza do Concello S/N

Teléfono 981 70 41 00

www.carballo.gal

infocarballo@carballo.gal

15100 CARBALLO- A Coruña



Exp. 2025/G007/000009

A Fundación, a través da súa Oficina de Promoción Tecnolóxico Industrial, encargarase das seguintes actividades:

- Actualización e mellora da páxina web, incorporando información actualizada da guía para investidores e do observatorio para toda a área de influencia.
- Deseño e planificación dun novo evento ou programa de atracción de empresas para a área, condicionado aos apoios adicionais obtidos este ano.
- Misións inversas destinadas a facilitar a implantación de novas empresas e proxectos de especial interese para a nosa área.
- Favorecer o desenvolvemento industrial da área, así como mellorar a súa capacidade de atracción de novos investimentos industriais.
- Revitalizar a atractivo da área para a localización de iniciativas industriais con potencial innovador e de crecemento e mellorar a competitividade das industrias xa instaladas como a do Polígono de Bértoa en Carballo.
- Promover a proactividade na atracción de investimentos industriais á área, sobre a base dunha estratexia de promoción coordinada, o impulso dunha dinámica activa de atracción de investimentos e a proxección dunha imaxe conxunta da área como potencial receptora de investimentos industriais.

III.- Financiamento do Concello de Carballo e outros ingresos que se obteñan ou aporten para a mesma finalidade

1. O Concello contribuirá ao financiamento dos gastos de funcionamento da Oficina de Promoción Tecnolóxico Industrial (OPTI), sede da Fundación para a Promoción Tecnolóxica e Industrial da Coruña e da súa Área de Influencia, cunha aportación máxima de 15.000 € (quinze mil euros) con cargo á aplicación orzamentaria 4330.48901 do orzamento municipal para 2025.
2. En ningún caso a achega económica do Concello poderá superar o 100% dos gastos de funcionamento da Oficina de Promoción Tecnolóxico Industrial. A subvención do Concello de Carballo é compatible coa percepción de outras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xunto co da subvención municipal, non supere en ningún caso o importe total do gasto efectivamente xustificado.
3. Non obstante, no caso de que a concorrencias de axudas ou subvencións supere o importe do gasto efectivamente xustificado, minorarase a aportación municipal no importe necesario para darlle estrito cumprimento ao apartado anterior.

IV.- Publicidade e financiación municipal.

1. Na publicidade pola que se dea a coñecer a realización das actividades subvencionadas, xa sexa por medios escritos, radiofónicos, audiovisuais ou redes sociais e similares, deberase facer constar o financiamento do Concello de Carballo.

2. Así, figurará en lugar visible e destacado o logotipo do Concello de Carballo.

V.- Pagamento.

1. O abono da subvención materializarase mediante ingreso na conta da entidade financeira aportada na documentación de solicitude da subvención, unha vez aprobada a documentación xustificativa da achega municipal.

2. En canto ao pagamento é de aplicación o establecido na cláusula VII.

VI.- Xustificación: prazo e documentación xustificativa

1. O prazo de xustificación da subvención rematará o 10 de decembro de 2025, debendo a entidade beneficiaria presentar a seguinte documentación:

- a) Memoria de actuación suscrita polo representante legal da Fundación, xustificativa do cumprimento das condicións impostas no presente convenio, coa indicación das actividades realizadas e dos resultados obtidos.

CONCELLO DE CARBALLO

C.I.F.: P1501900C
Praza do Concello S/N
Teléfono 981 70 41 00
www.carballo.gal
infocarballo@carballo.gal
15100 CARBALLO- A Coruña



Exp. 2025/G007/000009

- b) *Relación clasificada dos gastos realizados, na que se indiquen os acredores co seu NIF, os documentos xustificativos, os importes (con IVE e sen IVE) e, no seu caso, datas de pago.*
- c) *Copias das facturas e xustificantes de pago, que deberán estar comprendidas entre o 1 de xaneiro e o 10 de decembro de 2025.*
- d) *No caso de que se presenten copias compulsadas, con carácter previo á compulsa deberá estenderse unha dilixencia sobre o orixinal na que se deixe constancia de que foi presentada como xustificante de gasto para o cobro dunha subvención outorgada polo Concello de Carballo.*
- e) *Declaración de axudas, subvencións ou ingresos, públicos ou privados, solicitados ou obtidos para a mesma finalidade.*
- f) *Proba do cumprimento das obrigas asumidas na cláusula cuarta, mediante a aportación de documentos nos que conste a publicidade do financiamento do Concello de Carballo.*

2. De conformidade con disposto no artigo 70.3 do Regulamento da Lei de Subvencións (Real decreto 887/2006, do 21 de xullo), transcorrido o prazo establecido sen que se recibira xustificación algunha, a unidade xestora remitiralle un requirimento á Cámara para que a presente no prazo improrrogable de quince días. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto.

VII.- Cumprimento das obrigas tributarias e coa Seguridade Social e a súa acreditación.

1. A Fundación deberá estar ó día, con carácter previo á sinatura deste convenio, e posteriormente, con carácter previo ao pago da subvención, no cumprimento das obrigas tributarias coa Administración do Estado, coa Comunidade Autónoma, co Concello de Carballo e coa Seguridade Social.

2. O Concello de Carballo comprobará o cumprimento de ditas obrigas.

VIII.- Destino e manexo dos fondos recibidos.

1. A Fundación destinará os fondos recibidos ao pago dos gastos xerados pola actividade subvencionada.

2. Co fin de garantir un axeitado control da aplicación dos fondos, o pago deberá quedar acreditado documentalmente mediante a utilización de transferencia bancaria, tarxeta de débito o crédito, cheque nominativo ou calquera outro medio que deixe constancia da data de pago e da identidade do perceptor. Só se poderá realizar o pago en metálico para gastos de ata 300,00 €.

3. A Fundación deberá contar con un rexistro cronolóxico de cobros e pagos nos que se inclúan, entre outros, os relativos aos gastos xustificados e aos ingresos declarados con respecto a esta subvención.

IX.- Control financeiro do Concello de Carballo e dos órganos de control externo.

O beneficiario deberá someterse ás actuacións de comprobación e control que os órganos competentes do Concello realicen, a través dos seus servizos técnicos, respecto do cumprimento dos seus compromisos, así como da aplicación dos fondos percibidos, aportando canta información sexa requirida. De igual forma quedarán sometidos ás actuacións que poidan realizar o Consello de Contas de Galicia ou o Tribunal de Contas.

X.- Reintegro, infraccións e sancións.

1. O incumprimento dalgunha das cláusulas previstas no presente convenio de colaboración poderá dar lugar á obriga de reintegro parcial ou total dos fondos recibidos, así como ao pago dos intereses de demora que se devindiquen dende o día no que se realizou o pago ata o momento en que se acorde a procedencia do reintegro.

2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, del 17 de novembro, ou na Lei 9/2007, do 13 de xuño, de Subvencións de Galicia, séndolle de aplicación o cadro de sancións previstas nas normas citadas.

3. Se se produce atraso no prazo de xustificación e non excede de un mes, a sanción prevista na lei imporase no grao mínimo e será do 10 por 100 do importe da subvención outorgada co límite de 75,00 €. Se excede dun mes e non chega a tres, a sanción imporase no seu grao medio e será do 20 por cento do importe da subvención outorgada co límite de 400,00 €, e se a extemporaneidade da xustificación excede de tres meses, a sanción imporase no seu grao máximo e suporá o 30 por 100 do importe da subvención, sen que poida superar o importe de 900,00 €.

CONCELLO DE CARBALLO

C.I.F.: P1501900C

Praza do Concello S/N

Teléfono 981 70 41 00

www.carballo.gal

infocarballo@carballo.gal

15100 CARBALLO- A Coruña



Exp. 2025/G007/000009

XI.- Incorporación ao rexistro público de subvencións e publicación da subvención concedida.

No cumprimento do disposto no artigo 18.2 da Lei 38/2003, xeral de subvencións, e demais normativa de desenvolvemento, o Concello de Carballo remitirá a Base de Datos Nacional de Subvenciones información sobre a concesión desta subvención á Fundación para a Promoción Tecnolóxica e Industrial da Coruña e da súa Área de Influencia.

XII.- Vixencia do convenio, prórroga ou modificación.

O presente convenio terá vixencia, con carácter retroactivo a efectos da conta xustificativa de gastos, desde o día 1 de xaneiro de 2025 e ata o 31 de decembro de 2025.

XIII.- Natureza, interpretación, modificación e xurisdición competente.

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, do 18 de novembro, Xeral de Subvencións, e na Lei 9/2007, do 13 de xuño, de Subvencións de Galicia. Supletoriamente aplicarase a lexislación de contratos do sector público.
2. Para levar a cabo o seguimento deste Convenio, así como para resolver as dúbidas que puidesen suscitarse con motivo do seu desenvolvemento, formarase unha Comisión Técnica de Seguimento, formada por un representante da Fundación e un representante do Concello.
3. Será causa de resolución do presente convenio o mutuo acordo das partes, así como a denuncia por calquera das partes do incumprimento das súas cláusulas mediante aviso previo comunicado de forma fidedigna, cunha antelación mínima de tres meses.
4. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora desa xurisdición, o coñecemento das cuestións litixiosas que poidan xurdir a consecuencia do presente convenio.

Faise constar que o presente convenio foi aprobado por acordo da Xunta de Goberno Local de data 5 de maio de 2025.

E en proba de conformidade asinan exemplar do presente convenio en lugar e data indicados no encabezamento."

E para que conste, aos efectos oportunos, expido este certificado coa reserva establecida no art. 206 do ROF, de orde e co visto e prace do Sr. Alcalde, no Concello de Carballo, asinado dixitalmente na data que figura a marxe.

V. e Pr.
O alcalde